

Za
4238



Za
4238

PERILLVSTRI
ATQVE
EXCELLENTISSIMO DOMINO
**DOMINO
HENRICO
DE BÜNAV**

DAHLENI DOMSENI GOELNITHI ET
GROSTAVCHVITII DOMINO
POTENTISSIMI POLONIARVM
REGIS ET ELECT. SAXONIAE
IN SVMMO SENATV ECCLESIASTICO
PRAESIDI SACRI CVBICVLI REGII COMITI
AVLAE IVSTITIAEQVE ET APPELLATIONVM
CONSILIARIO SVPREMAE CVRIAE
PROVINCIALIS LIPSIENSIS
ADSESSORI

DOMINO SVO GRATIOSISSIMO
DIVAE CONIVGIS
**AVGVSTAE HELENAE
DE DOERING**
IMMATVRVM FVNVS

LVGENTI
RELIGIONEM MOESTISSIMAM
APPROBAT
FRANCISCVS CAROLVS CONRADI
IN ACAD. VITEMB. IVR. PROF. PVBL

VITEMBERGAE
LITERIS VIDVAE GERDESIAE



mark 774



PERILLVSTRIS
ATQVE
EXCELLENTISSIME
DOMINE
DOMINE GRATIOSISSIME

Dabis veniam pietati, qua TE,
fortunae ac rerum mearum
Indulgentissimum Statorem et Arbi-
trum,

trum, venerari fas est, quod in
grauissimo TVO luctu TE religio-
se adloqui, et permolestum vul-
nus, quod Desideratissimae CONIV-
GIS TVAE immaturus obitus in-
flixit TIBI, contingere sustineo.
Quotusquisque enim est, qui auspi-
catissimo illo fruitur laetaturque Prae-
sidio TVO, quo Litterarum in Sa-
xonia nostra publicum florem erigis,
amplificas ac tueris, ad quem non
intimus acerbissimi doloris TVI sen-
sus perueniat? Qui vero ego, ni
perdite sim improbus, ex tam tristi
tamque luctuoso fato non intensissi-
mum moerorem protinus conceperim?
Amifisti, DOMINE, cura-
rum atque solitudinum, quibus pu-
blicae

blicae Saluti sine remissione inuigilas,
summum oblectamentum et solatium,
CONIVGEM, in exemplum et
decus saeculi natam, et Generis an-
tiquissimi splendore, et formae venu-
statisque Gratiis, et omnium Virtu-
tum decore excellentissimam, ac vere
incomparabilem. Quod luctum adgra-
uat, amisisti simillimae TVI Sobolis
amantissimam Matrem; quod acuit
iaciturae sensum, in ipso aetatis flore
tenellae adhuc Soboli ereptam; quod-
que geminum adfert moestissimi ca-
sus dolorem, e periculosissimo mor-
bo, ingenti, sed proh dolor! bre-
ui, gaudio, nuper TIBI restitu-
tam. At perquam mihi verendum
est, ne, dum ista commemorem
lon-

longius , desiderium ac moerorem
TVVM adaugeam , ac , dum reli-
gioni in TE meae litare volo , cum
in TE , DOMINE , impius exi-
stam , tum in publica commoda pec-
cem. An vero id moliar imprudens,
vt solatia TIBI et medentia verba
adferre ausim ? quod audere absque
criminis nota si vel maxime liceret,
nae sola doloris ac luctus TVI me-
ditatio ita deiecit mihi mentem et
confudit , vt , qui me nunquam di-
fertum noui , nunc me certissime in-
fantem experiar. Iam autem , per
Animi TVI sanctitatem ac Voluntati
Diuinae simillimam confirmationem ,
iam per incredibilem Patriae , et Salu-
tis communis , et Sacrorum in pri-
mis

mis ac Litterarum, quibus praees, amo-
rem curamque mirificam; de TE aliter
existimare fas piūque non est, quam,
vt TVAM TE iustissimo moerori an-
teferre sentiamus incolumitatem. Haec
enim est, qua sustinentur, ex qua noua
in dies publicae rei nascuntur commoda,
quae TIBI priuatum dolorem publica
laetitia mutant. Habes et, quae TIBI
DIVAE leniant desiderium, Dulcissi-
mam ex illa Sobolem; habes, quibus
Orbi superstes est eritque semper, aeter-
nas EIVS Virtutes. Quapropter hoc re-
liquum est precari DEVM Immortalem,
vt quam diutissime TE, et Columen,
et Decus aevi nostri, vt DOMVM
TVAM ILLVSTRISSIMAM feli-
cem fortunatamque perpetuo seruet ac
tuea-

FKLa 4238

tueatur, vt meritorum Virtutumque
TVARVM gloriam summam videas in
feris Nepotibus continuatam: quod piis
sanctisque votis precabor semper,

PERILLVSTRIS
ATQVE
EXCELLENTISSIME DOMINE
DOMINE GRATIOSISSIME
EXCELLENTIAE TVAE

DEVOTISSIMVS
FRANCISCVS CAROLVS CONRADI

VOM-00

VL

ULB Halle

003 352 064

3





PERILLVSTRI
ATQVE
EXCELLENTISSIMO DOMINO
DOMINO
HENRICO
DE BÜNAV

DAHLENI DOMSENI GOELNITHI ET
GROSTAVCHVITII DOMINO
TENTISSIMI POLONIARVM
GIS ET ELECT. SAXONIAE
SVMMO SENATV ECCLESIASTICO
ESIDI SACRI CVBICVLI REGII COMITI
LAE IVSTITIAEQVE ET APPELLATIONVM
CONSILIARIO SVPREMAE CVRIAE
PROVINCIALIS LIPSIENSIS
ADSESSORI

OMINO SVO GRATIOSISSIMO
DIVAE CONIVGIS
VGVSTAE HELENAE
DE DOERING
IMMATVRVM FVNVS

LVGENTI
RELIGIONEM MOESTISSIMAM
APPROBAT
FRANCISCVS CAROLVS CONRADI
IN ACAD. VITEMB. IVR. PROF. PVBL

VITEMBERGAE
LITERIS VIDVAE GERDESIAE



handwritten mark

